

明朝典彙



漢書門			
九	二	〇	五
一	〇	四	五
六	四	三	四
冊	架	函	號

內閣文庫			
九	二	〇	五
一	〇	四	五
六	四	三	四
冊	架	函	號

內閣文庫			
番號	漢	9205	
冊數	64 (12)		
函號	294	39	

十三




A 1 2 3 4 5 6 7 8 9 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



國朝典彙卷二十

淺草文庫

泰

都察院右僉都御史臣徐學聚編次

都察院右僉都御史臣袁一驥訂正

浙江蘭谿縣知縣臣吳國琦重訂

御製

洪武六年十一月吏部尚書詹同御史中丞劉基侍上

燕于乾清宮之便閣同醉而還史館時舉人黃景在館

校對日曆同賦一詩贈之俄而奉御傳宣召同等赴右

順門會上適乘步輦而至同餘醒猶未解上謂同

曰卿醉未醒耶同對曰臣雖醉猶能賦詩贈黃秀才

上曰詩何在對曰在史館中上顧謂宋濂宜急取之濂取以進上笑謂濂曰朕卽和同詩卿當爲朕書之濂書訖乃以賜景

七年十二月御製道德經註成上諭儒臣舉老子所謂五色令人目盲五音令人耳聾與聖人去甚去奢去泰之類曰老子此語豈徒託之空言于養生治國之道亦有助也但諸家之註各有異見朕因註之以發其義

八年二月御製資世通訓成上謂侍臣曰朕統一寰宇思所以化民成俗復古之道著是書以示訓戒侍臣皆曰此臣民萬世之寶也書凡十四章其一君道章凡十

有八事其次臣道章凡十有七事又其次曰民用士用工用商用等十一章皆申戒士庶之意詔刊行之

八月上觀川流不息陋尹程秋水賦乃更爲之賦召翰林諸臣觀之令亦各撰一篇宋濂率同列次第獻賦上皆親覽評品已而賜坐勅大官設酒饌內臣行觴

上顧濂曰卿何不盡飲濂對不能飲恐愆于禮上曰

卿姑試之濂飲畢上曰更宜一觴濂辭上曰一觴

豈便醉人乎濂舉觴瑟縮上笑曰男子何不慷慨濂

一吸至盡上大悅濂面頰行不成步上復笑曰卿

宜自述一詩朕亦爲卿賦醉歌上賦成賜濂濂頓首

謝 上仍命群臣各賦醉學士歌見一時君臣同樂也

十八年十月御製大誥成頒示天下初元氏以戎狄入主中國大抵多用夷法典章疏闊上下無等政柄執于權臣任官重于部族斷獄迷于財賄黜陟混于賢愚奢而僭上者無罪奸而犯倫者不問辯髮左衽相率而為夷至天曆時雖稱富庶而先王之制蕩然矣至順帝荒淫昏弱紀綱益廢內之奸臣亂政外之強將跋扈典兵者崇空名牧民者無善政仕進者尚阿附而輕廉恥讀書者重浮華而乏節行庶績不凝四夷失序加以舞文之吏玩法于上豪強之家兼并于下事無統紀民無定志

有八事其次臣道章凡十有七事又其次曰民用士用工用商用等十一章皆申戒士庶之意詔刊行之

八月 上觀川流不息陋尹程秋水賦乃更為之賦召翰林諸臣觀之令亦各撰一篇宋濂率同列次第獻賦

上皆親覽評品已而賜坐勅大官設酒饌內臣行觴

上顧濂曰卿何不盡飲濂對不能飲恐愆于禮 上曰

卿姑試之濂飲畢 上曰更宜一觴濂辭 上曰一觴

豈便醉人乎濂舉觴瑟縮 上笑曰男子何不慷慨濂

一吸至盡 上大悅濂面頰行不成步 上復笑曰卿

宜自述一詩朕亦為卿賦醉歌 上賦成賜濂濂頓首

謝上仍命群臣各賦醉學士歌見一時君臣同樂也

十八年十月御製大誥成頒示天下初元氏以戎狄入主中國大抵多用夷法典章疏闊上下無等政柄執于權臣任官重于部族斷獄迷于財賄黷陟混于賢愚奢而僭上者無罪奸而犯倫者不問辨髮左衽相率而爲夷至天曆時雖稱富庶而先王之制蕩然矣至順帝荒淫昏弱紀綱益廢內之奸臣亂政外之強將跋扈典兵者崇空名牧民者無善政仕進者尚阿附而輕廉恥讀書者重浮華而乏節行庶績不凝四夷失序加以舞文之吏玩法于上豪強之家兼并于下事無統紀民無定志

一遇凶荒亂者四起由法制不明而彝倫之道壞也

上嘗歎曰華風淪沒彝道傾頽自卽位以來制禮樂定法制改衣冠別章服正綱常明上下盡復先王之舊使民曉然知有禮義莫敢犯分而撓法萬機之暇著爲大誥以昭示天下且曰忠君孝親治人修己盡在此矣能者養之以福不能者敗以取禍頒之臣民永以爲訓十九年二月御製大誥續編成頒示天下上旣作大誥又慮誥條所載未能盡天下之情因續爲一編以申其意使民觀感知所勸懲自是民之作非者鮮從化者多故又作三編大誥其意切至而辭益加詳焉每編成

上親序之被誅貪贓官吏一切作奸犯科姓名具列誥中凡臣民務要家藏人誦以爲鑒戒倘有不遵遷于化外其有大誥者偶有所犯減等科罪

二十年二月御註書洪範成上嘗命儒臣書洪範揭于御座之右朝夕觀覽因自爲註至是成詔贊善劉三五曰朕觀洪範一篇帝王爲治之道也所以叙彝倫立皇極保萬民叙四時成百穀原于天道而驗于人事箕子爲武王陳之武王猶自謙曰五帝之道我未能焉朕每爲惕然遂疏其旨朝夕省觀三吾對曰陛下留心是書上明聖道下福生民爲萬世開太平者也

二十一年八月宴征北諸將于奉天殿上賦平胡詩二章命群臣和之

頒賜天下武臣大誥令其子弟誦習上謂兵部曰曩因武臣有違法厲軍者朕嘗著大誥昭示訓戒格其非心開其善道今思其子孫世襲其職若不知教他日撫馭軍士或蹈覆轍必至害軍不治則法不行治之又非保全功臣意蓋導人以善行如示之以大路訓人以善言如濟之以舟楫爾兵部其申諭之俾咸誦習遵守毋怠二十四年十一月命賞民間子弟能誦大誥者永樂初福建甌寧縣紀錄軍丁江陰年六歲能記

製大誥詣闕陳誦賜衣及鈔驛送建寧府儒學讀書
三十年五月大明律誥成天下講讀大誥師生來朝者凡
十九萬三千四百餘人並賜鈔遣還

永樂元年十二月八日上御謹身殿閱太祖御製文集顧
解縉等曰皇考文章皆天地之心帝王之度朕宮中
徧尋不得有言建文自焚時并寶璽皆毀朕深慟之命
禮部遣監生三十餘人分詣天下軍民之家有收藏
高廟御製詩文及宸翰者皆送官錄進仍重賚之

四年二月上以太祖御製嘉禾詩勒石裝潢成軸賜
諸王及尚書侍郎內閣學士侍讀祭酒司業

五年十一月以仁孝皇后內訓賜群臣俾教于家

七年二月上出一書示學士胡廣等曰朕因政暇采聖
賢之言若執中建極之類切于修身齊家治國平天下
者爲卷四曰君道臣道父道子道廣等覽畢奏曰帝王
道德之要備載此書遂名曰聖學心法命司禮監刊布
八年十月務本之訓成時上以皇孫生長深宮欲其
知稼穡艱難因巡幸北京命之侍行使歷觀民情風俗
及田野農桑勞苦之事且采舉太祖創業之難及往
古典亾得失可爲鑒戒者爲書以致飭勵之意書成名
務本之訓云

十八年正月 上御午門觀燈宴百官賜群臣御製詩學
士楊榮等恭和以進
二十二年五月車駕北征次清平鎮宴隨征文武大臣命
內侍歌 高祖御製詞五章因舉爵諭諸大臣曰 先
帝垂諭創業守成之難而示戒荒淫酣酗之失也朕嗣
先帝鴻業兢兢惟恐失墜雖軍旅之中君臣盃酒之歡
不敢忘也尚相與共圖之
車駕次威遠川宴文武大臣 上曰朕仰體 皇考之心
自製五章以述奉天法祖勤政恤民之意亦將垂示子
孫俾有所警飭遂命內侍歌之

十一月 仁宗命司禮監刊印祖訓賜諸子及弟姪謂侍
臣曰守成之主動法祖宗斯鮮過舉書曰監于先王成
憲其永無愆後世嗣君往往作聰明亂舊章而卒至喪
敗不救可爲鑒戒朕十餘歲侍 皇祖側親見作祖訓
屢經改易而後成書是時秦晉周世子皆在 皇祖閒
暇卽召太孫及諸世子于前分條逐事委曲開諭之皆
持身正家以至治天下之要道爲天子爲藩王能事事
遵守豈不福祿永遠哉朕寤寐不怠侍臣對曰陛下此
心卽 太祖皇帝之心也
上在東宮雅好詩賦御製甚富問侍臣曰世之儒者亦作

詩否楊士奇對曰儒者鮮不作詩然儒之品有高下高者道德之儒若記誦詞章前輩君子謂之俗儒爲人主尤當致辨于此

十二月冬深無雪上作愛民吟命戶部尚書夏原吉和之兼賜玉帶

宣德三年二月御製帝訓二十五篇曰君德曰奉天曰法祖曰正家曰睦親曰仁民曰經國曰勤政曰恭儉曰儆戒曰用賢曰知人曰去疾曰防微曰求言曰祭祀曰重農曰興學曰賞罰曰黜陟曰恤刑曰文治曰武備曰馭夷曰藥餌親序其首復題其後

五月上出酒諭示百官時郎官御史以酣酒相繼敗或請遂禁酒上不從故作酒諭其文曰天生穀麥黍稷所以養人人以麴蘖投之爲酒周官有酒正以武法授酒材辨五齊之名三酒之物以借國用書柜鬯二鹵曰明禋詩旣載酒酤賚我思以享祀神則也厥父母慶洗腆致用酒以事親也豈樂飲酒以燕臣下也酒醴維醕酌以大斗醜酒有衍籩豆有踐燕父兄及朋友故舊皆其大者酒曷可廢乎而後世耽嗜于酒大者亾國喪身小者敗德廢事酒其可有乎自大禹疏儀狄戒甘酒成湯至帝乙罔敢崇飲文王武王戒臣下曰無彝酒曰德

將無醉日剛制于酒孔子言不爲酒困禮有一獻百拜
然則酒曷爲不可有乎夫非酒無以成禮非酒無以合
歡惟謹聖人之戒而禮之率焉庶乎其可也

十月大雪 上喜謂侍臣曰今年四月多言水旱生民艱
食朕以爲憂惟冀天地垂祐雨暘及時庶豐稔可望今
冬初卽見雪其來歲有秋之兆乎然欲昭格天心朕當
日加警惕因賦雪詩以示不忘

四年三月 上作猗蘭操賜諸大臣序曰昔孔子自衛反
魯隱居谷中見蘭之茂與衆草爲伍自傷不逢時而托
爲此操朕慮在野之賢有未出者故亦擬作其詞曰蘭

生幽谷兮曄曄其芳賢人在野兮其道則光嗟蘭之茂
兮衆草爲伍於乎賢人兮汝其予輔又諭之曰薦賢爲
國大臣之道卿等宜勉副朕志

四月南京進鱒魚薦奉先殿獻 皇太后畢 上御文華
殿召大學士楊士奇楊榮金幼孜特賜鱒魚醇酒加賜
御製詩有樂有嘉魚之句士奇等霑醉獻和章 上嘉
之曰朕與卿等皆當以成周君臣自勉庶幾不忝祖宗
付託

五年二月 上御左順門召蹇義楊士奇楊榮等曰朕昨
謁陵還道昌平東郊耕夫在田召而問之知人事艱難

吏治得失因錄其語成篇今以示卿卿亦當體念不忘也所錄語曰庚戌春暮謁陵歸道昌平之東郊見道旁耕者俛而耕不仰以視召而問何若是之勤哉跪曰勤我職也曰亦有時而逸乎曰農之于田春則耕夏則耘秋而熟則穫三者皆用勤也有一弗勤農弗成功而寒餒及之奈何敢怠曰冬其逸乎曰冬然後熟力役于縣官亦我之職不敢怠也曰民有四焉若是終歲之勞也何不易爾業爲士爲工爲賈庶幾乎少逸哉曰我祖父皆業農以及于我我不能易也且我之里無業士與工者故我不能知然有業賈者矣亦莫或不勤率奔走負

販二三百里外遠或一月近或十日而返其獲利厚者十二三薄者十一亦有盡喪其利者則闔室失意戚戚不樂矣計其終歲家居之日十不一二我事農而勤苟無水旱之虞歲入厚者可以支二歲薄者可以給一歲且且暮得與父母妻子相聚我是以不願易業也朕聞其言喜賜之食旣又問曰平居所睹惟知賈之勤乎抑尚他有知乎曰我鄙人不能遠知嘗躬力役于縣竊觀縣之官長二人其一人寅出酉入盡心民事不少懈惟恐民之失其所也而陞遷去久矣蓋至于今民思慕之弗忘也其一人率晝出坐廳事日未晏而入民休戚不

一問竟坐是謫去後嘗一來民視之如塗人此我所目
睹其他不能知也朕聞其言歎息思此小人其言質而
有理也蓋周公所陳無逸之意也厚遣之而遂記其語
六月永平等衛及河間府靜海等縣奏蝗蝻生尚書郭敦
請遣官往捕上從之是日晚出御製捕蝗詩示敦等
曰蝗之爲患此詩備矣卿遣人往捕當如採焚拯溺不
可緩也

十二月朝罷上示群臣喜雪之詩復賜賞雪宴蓋久未
雪至是大雪盈尺上喜而成詩群臣遂進和章上
親擇其有警戒語者別錄而爲之序其中有曰冬雪消

毒診殄遺蝗滋茂宿麥迨冬不雪民心則憂民之憂朕
之憂也乃十二月巳卯之夕大雪盈尺徧于遠邇民心
以喜民之喜朕之喜也又曰古之明君未嘗因一事之
順適而忘致警于其德其臣亦未嘗因一事之順適而
忘致警于其君唐虞三代皆然也又曰朕以涼薄之德
嗣祖宗大業爲天下生民主恒懼不克負荷而所望
于羣臣戒警輔翼者惟日不足今是詩之
所望載
十一二詩曰人之好我示我周行朕安得不表章之以
朝夕自益哉

六年二月召蹇義楊士奇楊榮胡濙至文華後殿諭之曰



昨日恭侍 太后進壽觴太后甚歡朕及暮還宮不覺亦醉既覺而思仰荷 上天眷祐 祖宗慶澤 太后之訓教今田穀屢豐天下粗安得朝夕侍奉 聖慈遂天倫之樂可謂幸矣又念國事賴卿等旦夕同心協贊遂出御製詩賜義等并賜特宴云

上屢詔求賢慮尚有遺逸作招隱詩以示大臣又自爲序略曰朕聞君子之學將以致于用也故其未仕則汲汲以明道道既明矣則汲汲以措之天下伊尹耕于莘以堯舜之道自樂然致君澤民未嘗忘也其後聖莫如孔子賢莫如孟子轍環天下亦欲行其道豈以獨善爲高

哉又曰士君子當以伊尹孔孟爲法顧乃卷而懷之遯于深山窮谷與麋鹿爲伍而廢人之大倫豈得爲賢哉六月賜蹇義等招隱歌 上謂之曰朕嘗作招隱詩賜群臣以示求賢之切然古亦有招隱詩蓋彼欲招隱者與之俱遯朕則意在招徠賢者而用之恐山林之士猶未悉朕意不肯輕出再賦七言招隱歌以示卿等

上御左順門出御製閔農詩一章示吏部尚書郭璉曰朕昨宵不寐思農民之艱難能使之得所則在賢守令因作此詩卿嘗爲朕擇賢毋使農民受弊也詩曰農者國所重八政之本源辛苦事耕作憂勞且晨昏豐年僅能

給歎歲安可論既無糠覈肥安得繒絮溫恭惟祖宗
法周悉今具存遐邇同一視覆育如乾坤嘗聞古循吏
卓有父母恩惟當慎所擇庶用安黎元
十一月以御製述祖德詩賜楊士奇等論之曰朕念我
仁祖積德累善篤生太祖繼天立極創業垂統太
宗迅掃奸回再安宗社我皇考恢弘治化增高累厚
以固鴻業朕承大位夙夜不忘記曰先祖有美而不知
不明知而不傳不仁是用撰述成詩九章揭之座上朝
夕觀覽勉圖繼述庶幾永保天命今以刻石特賜卿等
摹本卿等亦與享榮士奇等稽首受命

十二月賜蹇義楊士奇楊榮等御製喜雪詩勅曰臘後五
日之夜大雪迨旦而霽蓋豐年之祥也因作喜雪歌與
群臣同樂士奇恭和以進已命光祿賜宴其悉醉以歸
七年元夕召蹇義楊士奇楊榮等觀燈于內苑賜御製小

重山詞

六月御製官箴戒以示百官上諭之曰朕承大寶臨撫
兆民實賴中外文武群臣同心同力以興起治功昔舜
命九官十二牧皆孜孜訓諭虞史書之夫以大舜爲君
禹臯稷契輩爲之臣猶致傲如此况朕菲薄敢不究心
然遠臣旣不得數見而人論之近臣雖朝夕相接亦不

得數以言論因取古人箴儆之義凡中外諸司各著一篇使揭諸廳事朝夕覽觀庶幾有儆然古之君臣有交儆之道凡在位君子有以嘉謨告朕者尤朕所樂聞也箴凡三十五篇

七月 上燕閒閱內庫書畫得元趙孟頫所繪豳風七月圖謂侍臣曰此足以見周家立國之本周公輔成王之心其先王教民耕桑以禦饑寒皆豫爲之計委曲詳盡必收成然後役之所以當時軍民相親如父子周之王業由于此傳世歷年永久也又曰非周公此詩後世亦何由知之周公所以爲名世之臣也萬世人君皆當鑑此朕愛斯圖爲賦詩欲揭于便殿之壁朝夕在目有所儆勵爾其書于圖之右因出所爲古詩一章曰豳詩以示使書之

九月 上作織婦詞示侍臣曰朕嘗歷田野見織婦採桑育蠶繰絲製帛累寸成匹亦甚勞苦因作此詞朕非好爲詞章真西山有言農桑衣食之本爲君者當詔儒臣以農夫紅女耕蠶勞動之狀作爲歌詩使人誦于前又繪爲圖揭于宮掖布之戚里使皆知民事之艱衣食之自朕所以賦此也

八年六月 上以久不再禱祠未應憂之作憫農詩示群

臣

上朝罷出思賢之詩以視群臣曰予嗣守祖宗大位夙
夜兢惕思惟致治之道必有賢臣相與贊輔雖屢詔求
賢然恭默之思未已乃作詩以著予志詩曰天命赫赫
付畀萬方肆予求之夙夜弗遑亮天之工其責在予亦
惟求賢以永厥圖堯舜大聖咨于臣鄰湯武致治敷求
哲人稷契臯夔周召伊傅同德同心以匡以輔惟時匡
輔百工允釐治效之隆臻于皞熙悠悠我心念之弗置
惟欲得賢以弼予治告言惓惓束帛戔戔命彼皇華歷
于丘園庶幾多才拔茅連茹奮其功庸翼我王度維

天昭昭維嶽降靈篤生賢哲聿馳駿聲啓予沃予以延
先德揚其耿光有永無斁

九年十二月 上御文華殿召楊士奇等出御書洪範篇
及御製序文示之且諭曰論或未當卿等當直言勿隱
士奇等對曰聖論真得古人精蘊 上曰朕在宮中雖
寒暑不廢書冊士奇等曰帝王勤學問則宗社生民有
賴惟願陛下始終此心 上笑曰卿等亦常須直言

正統五年九月御製觀天之器銘
六月固始訓導舉人黃俊請頒 太祖御製孝慈錄于天
下令士民講讀 上命禮部行之

成化十四年五月翰林儒臣編緝御製詩集成凡四卷五百八十九首
十八年十二月御製文華大訓成其書綱凡四曰進學曰養德曰厚倫曰明治目二十有四以授太子進大學士萬安劉珏劉吉詹事彭華王獻講讀楊守陳倪岳各秩有差

嘉靖四年十一月上謂周書無逸一篇與聖祖御序洪範一篇皆治天下之法因命輔臣撰序刊布大學士費宏等言皇上勵精圖治真與聖祖同一心茲欲刊布亦宜依御註洪範體式因經分註直解肯綮繕

寫成書以便觀覽二書並傳誠萬世聖子神孫治平範也已復有旨再註尚書伊訓併聖祖所註洪範序與近日御註無逸分爲三冊共成一書宏等言三篇之序當以御註洪範居首次伊訓又次無逸蓋洪範九疇雖演于箕子而其原則出于夏禹實在商周之先又其註出聖祖故其序之先後宜然也已乃上製洪範序草略一篇命大學士宏等再加潤色復奉聖諭將阜陶謨伊訓無逸等篇通加註釋名曰書經三要件五年三月上製詠春詩命輔臣費宏賡和并彙爲一秩題曰詠春同德詩又親序其首

五月刑部尚書趙鑑致仕上製詩一首書于龍箋賜之
六月上御平臺召大學士費宏楊一清石璫賈詠入見
各作一詩景之詩皆長篇因人褒誦俱有新意

十月頒賜獻皇帝恩紀含春堂詩于群臣上親製序
曰皇考所著有恩紀詩集乃受命分封之國感皇
伯考孝宗皇帝錫予之恩而紀之者也詩凡七卷有含
春堂稿則未之國時在大內西館及出府所作凡百三
十餘首繕寫重刻以傳仰思皇考之教不可復得然
心聲固存手澤斯在朝夕諷誦庶幾有得也

上製教一箴乃註范浚心箴程頤視聽言動四箴頒賜大
學士費宏等宏等疏謝因言此帝王傳心之要法致治
之要道奏請勅工部於翰林院蓋亭豎立以垂永久仍
勅禮部通行兩京國學并在外提學官摹刻于府州縣
學天下人士服膺聖訓知所興起上命如議行

上聽政之暇頗事詩詞間與費宏討論詹事桂萼以爲詩
詞小技勞聖躬且使宏鏡伺意指竊恩遇以壓朝士
蓋其招權納賄怙終不悛畏陛下察之姑假是結納
以自救于目前耳上曰朕學詩自娛不妨政務爾言
固見忠愛但宏居輔導職在講論朕有所疑亦必諮問
八月上頒示輔臣御書十二字曰法祖安民奉天行道

福善禍淫且諭及皇考昔年垂訓之功今日勉學之勤宏等疏謝

六年正月大學士楊一清以所擬元宵詩呈覽內有愛看冰輪清似鏡之句上以為類中秋詩改云愛看金蓮明似月一清疏謝以為曲盡情景不問可知其為元宵作矣聖資超悟殆非臣下所能及也

上以大學衍義寫刻不精欲將經文并題語大書諸儒并真德秀所註細書令司禮監并題語序一篇以申重刊之意大學士楊一清等因請御製序文冠諸卷首用彰帝王之學以垂來世他日上以聽經筵官講大學

衍義五言古詩一章并序一首寫示內閣一清等依韻恭和以進上覽畢賜璽書有忠誠懇禱之褒及勉以協恭輔導因命以御製并一清等詩章集成一冊題其名曰翊學詩云

閏十月御製十六字箴曰卓爾之見一貫之唯學聖君子勗為出示輔臣刑部尚書胡世寧因推廣上意為疏解上之上嘉納焉

十一月初上親製顯陵碑文召楊一清張璁翟鑾于文華內閣諭曰朕述皇考顯陵碑文賴卿等潤藻特茲酬勞卿等用心輔導楊一清蟒衣麒麟衣各三襲玉帶

一璵麒麟服玉帶如一清鑿雲鶴衣三金花帶一一清等各疏謝曰上手答曰覽卿等奏謝稱頌甚過閱之再三朕深自媿比因追念先德祖述數語又賴卿等贊成特酬勞績耳鑿奏有放勳二字朕尤不敢當云

上以災異親製祝文祭告天地

十二月上不豫大學士楊一清上疏問起居上報聞并示以除夕五言律詩一首一清疏謝因率同官次韻和之上悅命名爲輔臣贊和詩集親爲之序

七年十一月上諭閣臣曰前者講官董玘等奏討書籍及皇考睿書朕昨奏聖母云聞皇考所書真篆

大小字有數千百幅今講官陳請未蒙給下聖母謂先帝手書豈止數千百紙因未親查收內使陳得都將焚了朕聞心切痛恨今有數紙欲分賜但須用寶記方明前次文曰恭穆獻皇帝睿筆而今加上尊謚似不宜用朕欲于幅上親書皇考手澤四字用欽文之璽蓋之下仍用嘉靖年製圖書一未知可否與卿等議行八年二月御製禱雨不應自咎說十月上親製文華大訓刊帙序十二月上追和宣宗述祖德詩九首仍爲之序九年命工部建敬一亭于翰林院鐫御製敬一箴註

及諭札四通于石列置亭中仍行兩京國子監及天下
儒學一體纂刻立石先是上製五箴註示閣臣故有

是命且命建亭禁中亭成賜儒臣宴各為詩以獻

頒御製敬一等箴于長沙府嶽麓書院從知府孫從奏也

十二月臘節以御製蜡樂詩賜大學士張璠

十年二月上以甘露降于顯陵作欽天記頌

八月無逸殿幽風亭成上命翟鑾李時及講官進講

筵宴群臣于邠風亭命儒臣書周書無逸篇于殿壁自

為文記之又御製詩賜講官

完帶官李武上獻皇帝所賜陽春臺北望詩一軸且乞

宣付史館禮部言詩文備載恩紀合春臺集內宜還其

原軸仍令收藏以彰恩賜上命以詩序建亭刻石于

從姑山以紀皇考所游之地詩軸仍付武收藏賞表

裏一禮部又請上親灑宸翰以識歲月許之乃御製

文識其後又原任引禮舍人傅貞復進獻皇帝陽春

臺賦上命并刻于石仍為文識之

十一月上在南郊齋宮製大報歌一章示大學士張璠

等曰朕肅懷大報草此數言聊以見意卿等可與言鼎

臣道南及分獻禮官一觀其各以贊佐戒進之辭和之

十一年上幸西苑先是方獻夫薦王道張珩可大用

上命吏部量予翰林春坊官至是幸西苑御迎翠殿召
夏言論舉所知備翰林選製詩及秋日書懷詩以賜言
十二年四月 上遊西苑召大學士張孚敬等入出御製
夏日與輔臣同遊古樂府一首又五七言絕各一首命
孚敬等和之越三日 上復幸南城演御馬召孚敬等
入見諭曰今日朕以演馬出與卿等同游卽以其事爲
題卿等人各作七言律二章古樂府二首于是孚敬等
退各具草未成 上先成樂府一章七言律一首次日
諸臣和章始上因請鈐梓以紀一時同游之盛命名曰
春遊詠和集

八月御製作字詩示輔臣命張孚敬等和之

十三年五月 上召張孚敬李時郭勛汪鋐夏言等觀察
器以黃紙御書 宣宗御製閱輿地圖詩一章白紙御
書恭和 宣宗詩一章以示次日五臣疏謝仍命各爲
賦以紀厥樂命之曰奉制紀樂賦 上親灑宸翰作紀
樂同述詩一章序一篇輔臣集錄成帖繕寫進呈汪鋐
請命名刊布 上欽定爲御作詩詔工部刻梓頒布兩
京文武群臣

上諭內閣張孚敬李時翟鑿曰朕數歲前于宮中閣子內
座之上中奉祖訓一帙上左奉以皇考手澤一幅曰疑

思問每于元宵之夕設一綵燈卽燈蓋輪懸五言一絕
卿等其和之乃各製二章以進

上諭輔臣張孚敬李時曰茲文華殿飾新且九五齋書軸
未成精一堂額未懸朕念此冠裳所在欲更定其名今
日卿等可與禮官往視東室繪敬一字及誠意正心四
字并取漢文帝止輦而受諫唐太宗納魏徵十思疏爲
圖于是孚敬時及禮部尚書夏言侍郎黃綰黃宗明恭
詣文華殿周回縱觀因造恭默室睹龍馬神龜丹鳳三
圖退各上疏稱謝而言綰宗明復撰賜觀文華殿頌賦
詩以進 上皆優詔答之

學士廖道南進九五齋恭默室頌二通因請以御製詩文
如欽天記頌大報歌之類宜增入郊典如享 太廟示
輔臣謁 世廟示禮官諸篇宜增入 廟典宸章歌詠
以類聚宣付史館會爲大全從之

十四年正月朔 上御文華殿召張孚敬李時郭勛汪鉉
夏言至示以所製元旦詩一章命賡和之
上以瑞雪論閣臣禮官曰今日欲卿等一見蒙天賜時玉
耳夏言曰時玉語雪前所未道足爲文訓乃作賦以獻
上嘉之曰卿賦以重君言具見忠愛

四月諭賜輔臣等御製喜雨述懷詩命和夏言言莊誦御

作仰見 皇上欽天率祖愛民重穡憂勤惕厲之意及
恭讀 聖劄仰見 皇上思親好學謙已誨人不自滿
假之心甚盛德也乃恭和一章以進

十五年三月 上躬視宗廟工程召見李時夏言于龍德
殿示以御製躬視廟工記繫以三絕句詩皆卽事紀實

一議罷免講官溫講一議宗廟寢榻門戟設置之宜一
議葬禮之正宜有附從時等各依韻恭和三章以進

十六年襄府儀賓王拱辰奏進 獻皇帝御書雍熙世三
字 上嘉悅命工部取貞石摹勒永傳賜拱辰金幣

十八年致仕大學士夏言先奉旨編御製詩歌及諸大臣
廣和者并爲序記以紀其事成帙以進下所司知之

二十年七月都督陳寅進所編 皇考聖母御製事蹟及
上龍飛禮儀詔畱覽寅潛邸扈從臣也

二十二年久旱 上躬禱雩壇是日大雨大臣侍從各具
疏賀答曰天降甘澤朕心仰感卿等其竭誠輔贊遂製
感雨吟以示儒臣學士費宋撰頌奏獻詔褒答之

二十五年十二月江西省祭官繆建賢奏 睿宗就封之
日舟過小孤山製詩紀勝書于神祠臣道經其地恭錄
以獻 上喜賜建賢綵幣乃命工部製碑書勒仍勅巡
按官建亭貯覆

二十六年署南京翰林院事呂懷奏先年 皇上從大學士楊一清言以御製敬一箴并所註五箴刻石翰林院仍行兩京國子監南北直隸十三省各儒學一體模刻南京翰林院失于題請未經建立乞行南京工部照規制建亭立石恭勒 聖製以垂不朽從之

三十一年六月湖廣巡撫都御史屠大山巡按御史胡宗憲等恭刊御製承天府廟學碑進 上覽之喜賜幣絹四十三年七月崑山生員管夢周獻家藏 睿宗獻皇帝賜湖廣左布政使管琪三省薇垣扁琪夢周曾祖也詔以 皇考御筆畱藏天府賜夢周銀二十兩紵絲一襲

國朝典彙卷二十一

都察院右僉都御史臣徐學聚 編次

浙江蘭谿縣知縣臣吳國琦 重訂

朝端大政 二十一

國史實錄

吳元年四月 上諭起居注詹同等曰國史貴乎直筆是非善惡皆當書之昔唐太宗觀史雖失大體然命直書建成之事是欲以公天下也予平日言行可紀之事是非善惡汝等當明白直書勿宜隱諱使後世觀之不失其實也

洪武五年十二月禮部尚書陶凱言漢唐宋皆有會要紀載時政以資稽考今起居注紀言紀事及奏事簿籍紀載時政可以法當時訓後世者宜依會要編類成書使議事者有所稽考從之

上以儒士楊訓文爲起居注論之曰起居之職非專事紀錄而已要在輪忠納誨致主于無過之地而後爲盡職也吾平日于百官所言一二日外猶尋繹不已今爾在吾左右可不盡言

時李至剛與修國史偶因事命罷去冠服止服士人衣巾每旦暮出入禁門門者詰究至剛既不敢稱其職銜欲但稱史官又冠服不相當乃自稱爲修史人李至剛而至剛操鄉音史如死時館中諸臣聞之大笑見之遂呼爲羞死人李至剛

六年九月承旨詹同等請編日曆上命學士宋濂樂韶鳳爲纂修官凡興王出治之典命將行師之績采章文物之懿律曆刑法之詳咸以事繫日以日繫月以月繫年必商確而謹書之

七年五月纂修大明日曆成自上起兵臨濠踐天位以至六年癸丑十二月凡征伐次第禮樂沿革刑政施設群臣功過四夷朝貢之類莫不具載合一百卷詹同宋

濂率諸儒上進命藏之金匱其副藏于祕書監濂等又
言于上曰日曆藏之天府人欲見之有不可得臣請
如唐太宗貞觀政要分類更輯聖政爲書以傳于天下
後世上從之于是分爲四十類自敬天至制蠻夷釐
爲五卷總四萬五千五百餘言名曰皇明寶訓自是
以後凡有聖政史官日紀錄之隨類增入宋濂序曰史
書甚重古稱直筆不濫美不隱惡務合乎天理人心之
公無其事而曲書之者固非也有其事而失書者尤非
也况英明之主不世出而記注之官遷不易常無以究
夫聖德之高深臣詹同暨濂幸獲日侍燕閒十有餘年
知之深故察之精察之精則其書也頗謂得其實而無
愧茲因日曆成書謹揭其大要于首簡使他日修實錄
者有所採掇庶幾傳信于萬世也

建文元年正月勅修太祖高皇帝實錄禮部侍郎董倫
王景彰爲總裁官太常少卿廖昇侍講學士高與志爲
副總裁官國子博士王紳漢中府學教授胡子昭齊府
審理副楊士奇崇仁縣學訓導羅恢馬龍他郎甸長官
司吏日程本立等爲纂修官

洪武三十五年七月
成祖以知府葉仲惠修太祖高皇帝實錄
指斥靖難事爲逆黨論處籍其家

十二月命重修 太祖高皇帝實錄以曹國公李景隆監
修忠誠伯茹瑯副之

永樂元年 上以 太祖高皇帝實錄將成命禮部預定
賞格尚書李至剛以修元史例進 上以朕繼 皇考
神功聖德貽範萬世豈述前代者可比遂親定賞格
六月解縉等上表進 太祖高皇帝實錄

九年十月命重修 太祖高皇帝實錄 上以前監修總
裁官李景隆茹瑯等心術不正又成於急促未極精詳
巡幸北京之初命胡廣等重修至是命姚廣孝夏原吉
為監修官胡儼黃淮楊榮為總裁官楊士奇金幼孜為

纂修官皆賜勅勉勵

十六年五月夏原吉等上表進 太祖高皇帝實錄 上
具皮弁服御奉天殿受之賜原吉等鈔錠綵幣有差

洪熙元年五月修 太宗文皇帝實錄以英國公張輔吏
部尚書蹇義戶部尚書夏原吉為監修官大學士少傅
楊士奇少保黃淮太子少傅楊榮少保金幼孜太常寺
卿兼學士楊溥為總裁官

閏七月 宣宗勅修 仁宗昭皇帝實錄以英國公張輔
成山侯王通少師蹇義少保夏原吉為監修官大學士
楊士奇黃淮金幼孜楊榮學士楊溥為總裁官

宣德元年五月以纂修實錄勅召金幼孜楊溥錢習禮陳敬宗陳循劉永清等時幼孜敬宗永清以憂溥習禮循請告省親

四年七月 上臨文淵閣與少傅楊士奇太子少傅楊榮論經史遂咨政務已而悉召諸學士及史官論曰國史貴詳實卿等宜盡心賜士奇等及學士以下鈔有差五年正月張輔蹇義夏原吉楊士奇楊榮金幼孜楊溥等進 太宗實錄一百三十卷寶訓十五卷 仁宗實錄十卷寶訓六卷賜金幣襲衣鞍馬有差宴於中府十年九月勅修 宣宗章皇帝實錄

正統三年 宣宗章皇帝實錄成大學士楊士奇楊榮俱進少師楊溥進少保王直王英並禮部左侍郎錢習禮為翰林學士劉球為翰林侍講其餘進秩有差廷臣以實錄成進官始此凡主事御史評事皆入翰林叅對催纂謄錄等官皆陞俸一級布衣滄錄者皆授中書舍人天順八年八月學士陳文等進 英宗睿皇帝實錄成化七年進士盧璣建言自古帝王皆設左右起居注之官所以紀人君言動朝廷政事百官賢否我朝法古圖治豈容獨缺此官宜命執政大臣斟酌以立之遴選以充之置諸左右勅其直書無諱則非徒備我清朝之史



事實可維持上下之良心殆見百官庶職皆欲以忠而見書以賢而見錄稔惡之人亦將有所畏而不敢肆矣上命所司知之

弘治元年閏正月勅修 憲宗實錄

四年八月 憲宗皇帝實錄成總裁大學士劉吉進少師徐溥進太子太傅劉健進禮部尚書副總裁禮部尚書丘濬加太子太保少詹汪諧進禮部侍郎

十八年編修何塘上疏臣以菲薄待罪史官伏睹內外百司各有職守而史官獨若無所事者朝叅之餘退安私室于國家政務無分毫補益月受俸錢日支廩給既失

官守之職難逃尸素之譏每念及茲不勝惶愧謹考古者王朝列國皆有史官掌記時事我 祖宗設修撰編修檢討謂之史臣俾司紀錄法古意也謹按 太祖時劉基條答天象之問 上悉以付史館在 太宗時王直以庶子兼記註凡 聖政聖訓之當書者皆錄之以備纂述由是推之史官之職在國初猶未失也不知因循廢墜始于何時沿襲至今未克修舉方今山陵既畢政治維新伏望 祖宗所已行修史職於既廢勅令修撰編修檢討番直史館凡 陛下之起居臣工之論列大政事之因革弛張大臣僚之陞降拜罷皆令即時

紀錄止用據事直書不須立褒貶仍於紙尾書某官某人記藏之匱櫝以待纂述史職既修國典斯備上則聖君賢臣嘉謨嘉猷不至有所遺落下則儉夫小人懼遺萬世之譏亦有所懲戒不敢縱恣爲惡公則明朝廷無虛設之官私則使人臣免素飡之愧事體甚便或謂館閣之地所以儲養異才不必責以職守臣所謂養才之道當使之周知天下之務方可以備他日之用今諸人於國家政事初不聞知雖欲練習其道無由若今史館供職庶因紀錄之間得練習政事之體他日任用不至疎脫是于修職之中實寓養才之意 上命所司知之

正德元年十二月勅大學士劉健等修 孝宗實錄

四年五月以實錄成進焦芳少師梁儲復吏部尚書兼學士

十六年六月勅修 武宗實錄

九月御史劉貫奏乞復國初設起居注之制命修撰等官日直史館凡有章奏悉下覽閱使之隨見輒書類次成編歲終進之內閣以備纂述

十一月以纂修 武宗實錄發正德間留中不報疏八百六十餘本付史局

嘉靖元年御史馬紀請如國初之制設起居注館使隨時

紀載以備纂修下所司知之
御史盧瓊言史筆之公取信萬世竊觀 景皇帝當也先
犯順時爲正位守國計危疑以定國體以全而修實錄
止稱邨戾王附 孝宗以始終典學之聖爲太平守文
令主深仁厚澤浸漬人心而實錄成于焦芳手未免賢
否混淆是非顛倒恐將來無所據以爲信乞及今令儒
臣叟撰 上曰景皇帝事已附載 英廟實錄 孝宗
實錄雖出自焦芳間有筆削任情不足取信處但當時
大政大議及人才忠邪天下自有公論後世亦不可欺
不必改修其餘係一人一事者令纂修官因事辯白之

四年三月大學士費宏等疏言 獻皇帝享國長久嘉言

善行舊邸承奉長史等官必有成書堪備採擇宜遣官
取付史館并促張元恕函進長史張景明原撰日錄詔
曰可乃命太常寺丞周璧詣舊邸訪取事實

太常寺少卿趙銘吳大田等光祿寺署丞陳璧等各錄

皇考獻皇帝嘉言善行以上詔宣付司局復命故大學
士張景明家取所撰 皇考日錄

大學士費宏等言 皇考之國謝恩疏陳存心敬天預教
太子時論藩王久任老成嚴修武備五事宜勅該部備
查原奏錄送史館編纂從之

七月初檢討席春劉夔與纂修實錄加恩以係改除館職
陞按察僉事春禮部尚書席書弟也書因是有憾於大
學士費宏上疏言歷稽累朝實錄陞官未有調陞外
任者上以書言特令陞春修撰并陞夔編修已而學
士桂萼張璁上疏求去語亦侵宏於是宏疏奏辯明前
擬陞春副使御筆改爲僉事實出宸斷因乞休致
上優詔慰留之

八月光祿寺丞王錦言頃修獻皇帝實錄臣故府僚事
先帝十有三年願得供事史館以效微勞且有睿旨
文簿堪備採錄詔以簿送史館

五年六月大學士費宏等言皇考實錄成於聖謨睿德
紀載頗爲詳實然臣等不敢自以爲功蓋累朝實錄皆
有章奏可據今獻皇帝三十餘年之事臣等所賴以
考據者則有司禮太監張佐黃英戴永編實錄一冊載
獻帝睿製文序及各年章奏爲詳功當首論後又得司
禮監楊保陳清錦衣千戶翟裕陸松所纂以爲纂修助
功當併論上從其言命蔭佐等各第姪一人酬其勞
俱錦衣世襲翟裕陸松俱陞指揮僉事

七年七月命編纂御書文札時大學士張璁言近奉皇
上御書文札論臣等者臣懼日久散逸宜命官編摩昔

唐學士吳兢有貞觀政要國初有洪武聖政記楊士奇
有三朝聖諭錄是編宜名爲嘉靖政要 上曰古有左
史右史之官歷代因之我 聖祖創翰林之職亦有編
修修撰之官未見居此職者盡乃事夫史之可否一出
於公非公則鬼神亦察之乃命張璧張潮編纂而以張
璉總領其事

九年禮部覆御史周禕所陳明史職一事言祖宗設修撰
等官以專史職六科以掌章疏府部寺院以掌典章上
之所行見於章疏之批答詔令之敷布者皆藏之內府
存之百司纂修之日萃集類送分館編摩至於 宸翰

睿藻有內閣珍藏學士彙集是史職未嘗廢也若復兼
官設局恐滋煩擾乃寢其議

十三年七月命建皇史宬 上諭內閣曰祖宗御容寶訓
實錄宜有尊崇之所因命建皇史宬於文華殿西勅館
閣諸臣重書九朝寶訓及實錄奉御容於閣上閣下藏
訓錄

十四年以吏部主事唐順之爲編修校閱實錄寶訓順之
移疾請告下吏部議汪鉉覆請應否放還 上曰唐順
之方改史職見校訓錄輒自移疾其以原官致仕

十五年重書 列聖寶訓實錄成大學士李時等言訓錄

所載皆 列聖嘉言懿行偉烈神功禮當崇重請如實錄例令禮部具儀擇日於奉天殿進呈詔可

三十六年九月江西叅議王喬齡奏 獻皇帝始封之國舟泊龍江關慈烏萬數集江柳向舟鳴噪江西提學副使李夢陽恭述文集可考其事神異宜錄付史館詔可隆慶元年五月勅修 世宗實錄以成國公朱希忠爲監修官大學士徐階李春芳郭樸陳以勤張居正爲總裁禮部尚書高儀等爲副總裁諭德姜金和等爲纂修官禮部奏纂修實錄令各省提學官採輯編彙賫送史館免差官採訪從之

鄖陽巡撫孫應鰲言及今纂修實錄宜勅六部將嘉靖四十五年間見行事例詳加採輯送史館編彙以續大明會典之後禮部覆言會典已經續修至嘉靖二十八年進呈 先帝未蒙刊布宜命輔臣俟實錄完日將二十年以後事例彙輯成書以垂一代之典 上是之給事中王之垣輯承天大誌基命紀錄事實三十卷曰敬天曰法聖曰正心曰修德曰講學曰勤政曰任大臣曰選庶職曰求賢才曰嘉直言曰辨忠邪曰明賞罰曰崇節儉曰戒玩好曰審幾微曰卹民隱曰重民命曰弭災異曰嚴武備總十九日七十一條題曰基命紀錄疏上

報聞錄留覽

廣東東莞人陳建私輯皇明資治通紀具載國初至正德間事梓行四方內多傳聞失真者給事中李貴和言我朝日列聖實錄皆經儒臣奉旨纂修藏在祕府建以草莽之臣越職僭擬已犯自用自專之罪况時更二百年地隔萬餘里乃欲以一人聞見臧否時賢熒惑衆聽若不早加禁絕恐將來訛以傳訛爲國是累也疏下禮部覆議請焚燬原板仍諭史館毋得採用從之

國朝典彙卷二十二

都察院右僉都御史臣徐學聚 編輯

浙江蘭谿縣知縣臣吳國琦 重訂

朝端大政 二十二

編輯諸書

乙巳六月 太祖命起居注滕毅楊訓文集古無道之君若夏桀商紂秦始皇隋煬帝所行之事以集進曰往古人君所爲善惡可爲龜鑑吾所以觀此者正欲其知喪亂之由以爲戒耳

丙午十月修公子書及務農技藝商賈書成先是徵儒士

熊鼎朱夢炎至建康謂之曰公卿貴人子弟雖讀書多不能通曉奧義今集古忠良奸惡事實以恒詞直解之使觀者易曉他日縱學無成亦知古今行事可以觀戒民間商賈子弟亦不讀書宜以所當務者直辭解說作務農枝藝商賈書使通知大義可以化民成俗是書成命頒行之賜鼎等白金各五十兩及衣帽靴襪等物

洪武元年四月 上命有司訪求古今書籍藏之祕府以資覽閱因謂侍臣詹同等曰三皇五帝之書不盡傳於世後鮮知其行事漢武帝購遺書六經始出唐虞三代之治始可得而見武帝雄才大略後世罕及至表章六

經開闢聖學又有功於後世吾每於宮中無事輒觀孔子之言如節用愛人使民以時真治國之良規孔子之言誠萬世師也

命工畫古孝行及身所經歷艱難起家戰伐之事為圖以示子孫

命學士朱昇等修女誡 詳后妃

二年正月 上以祭祀為國家大事念慮之間儆戒或怠則無以交神明乃命禮官及諸儒臣編集郊祀宗廟山川等儀及歷代帝王祭祀感應祥異可為鑒戒者為書以進名存心錄

二月詔修元史。上謂廷臣曰：近克元，都得元十三朝實錄。元雖亾，國事當紀載。况史記成敗，示勸懲，不可廢也。乃詔李善長爲監修，宋濂、王禕爲總裁，汪克寬、胡翰、宋禧、陶凱、陳基、趙壘、曾魯、顏增高、啓、趙汭、張文海、徐尊生、黃箎、傅恕、王錡、傅著、謝徽爲纂修。開局於天界寺，取元經世大典諸書以資參考。諸儒至，上諭之曰：自古有天下國家者，行事見於當時，是非公于後世。故一代之興衰，必有一代之史以載之。元主中國，始將百年，其初君臣樸厚，政事簡略，與民休息，時號小康。然昧於先王之道，酣溺胡虜之俗，制度疏闕，禮樂無聞。至其季世，嗣君荒淫，權臣跋扈，兵戈四起，民命顛危。雖間有賢智之臣，言不見用，不見信於天下。遂至土崩，然其間君臣行事，有善有否。賢人君子，或隱或顯，其言行亦多有可稱者。今命爾等修纂，以備一代之史。務直述其事，毋溢美，毋隱惡。庶合公論，以垂鑒戒。時編摩之士皆山林布衣，發凡舉例，皆宋濂、王禕主之。

四月詔中書編祖訓錄

七月遣儒士歐陽佑、國子監掌饌呂善等十二人往北平等處採訪。故元元統及至正三十六年事蹟，增修元史。時宋濂等修元史將成，詔先成者上進，缺者俟續采補。

八月詔儒臣修纂禮書各省舉儒士徐一夔梁寅劉子周於諒胡行簡劉宗弼董彝蔡琛滕公琰至京時曾魯以元史方成共奏留之因命與諸儒同纂修

三年二月儒士歐陽佑等採摭故元元統以後事實還朝仍命宋濂王禕等續修元史

七月宋濂王禕等進續修元史以卷計者紀十表二傳三十有六凡前書未備者補之授儒士張宣等官惟趙壘朱右朱世廉乞還田里從之

九月大明集禮成凡朝會燕享樂舞升降儀節制度名數纖悉備具通五十卷詔頒行之

十一月大明志書成命刊行之先是命儒士魏俊民黃篪劉儼丁鳳鄭思先鄭權等六人編類天下州郡地理形勢降附始末爲書凡天下行省十二府一百二十州一百八縣八百八十七安撫司三長官司一東至海南至瓊崖西至臨洮北至北平至是書成命送祕書監鈔梓頒行俊民等皆授以官

四年正月御史臺進擬憲綱四十條上覽之親加刪定七月存心錄成上覽之謂諸儒臣曰朕聞歷代賢君事神祇肅故休徵類應衰世之君違天慢神感召災譴朕爲是懼每於臨祭必誠必敬故命卿等編此欲示鑒戒

夫水可以鑒形古可以鑒今是編所載豈惟行之於今將俾子孫以爲法守後復命贊善劉三吾編類漢唐以來災異之應於臣下者別爲一書名曰省躬錄頒行之六年正月詔孔克表劉基林溫取諸經要言以怕言釋之使人皆得通其說而知聖賢之旨意又慮一二儒臣未達註釋之格乃手釋二章以賜克表等受詔釋四書五經以上賜名曰群經類要

三月昭鑒錄成先是命禮部尚書陶凱等采摛漢唐以來藩王善惡可爲勸戒者爲書會凱出叅行省編輯未成於是召秦府右傅文原吉翰林修撰王僎等續修之至是成宋濂爲序以進賜名曰昭鑒錄以頒賜諸王

五月祖訓錄成其目十有三曰箴戒曰持守曰嚴祭祀曰謹出入曰慎國政曰禮儀曰法律曰內令曰內官曰職制曰兵衛曰營繕曰供用上旣爲序仍命宋濂序之因謂侍臣曰朕著祖訓錄蓋所以垂訓子孫朕更歷世故創業艱難常憂子孫不知所守故爲此書日夜以思具悉周至細繹六年始克成編後世子孫守之則永保天祿苟作聰明亂舊章是違祖訓矣

七月學士宋濂奉詔搜萃歷代奸臣之蹟編爲辨姦錄及進太子諸王各分賜之

七年十一月孝慈錄成

詳禮制

八年正月學士宋濂取上所行關於政要者編集成書名曰洪武聖政記

三月洪武正韻成上以舊韻起於江左多失正音命學士樂韶鳳與諸廷臣以中原雅音校正之

十二年六月編春秋本末成先是上以春秋本諸魯史而列國之事錯見間出欲究其終始則難於考索乃命東宮文學傅藻等纂錄分列國而類聚之附以左氏傳首周王之世以尊正統次魯公之年以仍舊文列國則先晉齊而後楚燕所以內中國而外夷狄也事之始終

秩然有序賜名曰春秋本末

十三年六月臣戒錄成時胡惟庸事覺上乃命翰林儒臣纂錄歷代諸侯王宗戚宦官之屬悖逆不道者凡二百十二人備其行事以類書之既成賜名臣戒錄頒布中外之臣俾知所警

十五年十月命禮部頒劉向說苑新序於天下學校十一月諭禮部命諸儒考補國子監舊藏書板令工部督匠修治

十六年二月吳沉等進精誠錄先是上將享太廟致齋於武英殿召沉等謂之曰朕閱古聖賢書其垂訓立教

大要有三曰敬天曰忠君曰孝親君能敬天臣能忠君子能孝親則人道立矣然其言散在經傳未易會其要領爾等其以聖賢所言之事以類編輯庶便觀覽至是書成上覽而善之賜名精誠錄命沉為之序

十七年十月大明清類天文分野書成

十八年三月詔禮部選年紀小秀才將尚書陳氏蔡氏二傳并古註疏三考是非定奪去取編成新書將來看中了時刻板印去各處教習下次科舉使用他於是禮部行取博學通經教官將陳蔡二傳并古註疏參攷編類成書進呈

十九年十月頒志戒錄其書采輯秦漢唐宋為臣悖逆者凡百有餘事賜群臣及教官諸生講誦使知所鑒戒

二十年上嘗好觀說苑韻府道德經心經解縉上言之論壞人心術韻府出元之陰氏鄙猥蕪穢略無可采陛下若喜其便於檢閱願命一二儒臣集唐虞周孔之言勒成一書以備勸戒且今六經殘闕而禮記出於漢儒蠹駁尤甚宜及時刪改更訪求審樂之儒作樂書以承唐虞以惠萬世

二十一年十月頒武士訓誡錄上以將臣於古者善惡



成敗之事未能通曉特命儒臣編集申明以錮魔樊噲
金日磾張飛鍾會尉遲敬德薛仁貴王君廓僕因懷恩
劉關王彥章等所爲善惡爲一編釋以直辭俾蒞武職
者日親講說使知勸戒

二十三年十月詔刊韻會定正時洪武正韻頒行已久
上以其字義音切未盡當命翰林重加校正學士劉三
吾言前太常博士孫吾與所編韻書本宋黃公紹古今
韻會凡字切必祖三十六母音歸一因以其書進上
覽而善之賜名曰韻會定正命刊行之

二十四年六月命禮部印通鑑史記元史以賜諸王

十五年八月頒醒貪簡要錄於諸司先是上諭廷臣
曰四民之中士最爲貴農最爲勞士最貴者何讀書明
道出爲君用坐享天祿農最勞者何當春之時雞鳴而
起驅牛秉耒而耕及苗旣種又須耘耨炎天赤日形體
憔悴秋成輸官所餘能幾一或水旱虫蝗則舉家遑遑
無所望矣今居官者不知民艱刻剝虐害無仁心甚矣
於是命戶部臣備錄文武大小官品歲給祿米之數以
米計其用穀之數又計田畝出穀之數與其用力多寡
而爲之書至是編成賜名曰醒貪簡要錄頒布中外俾
食祿者知所以恤民

二十六年三月諸司職掌成詔刊行頒布中外

頒示稽制錄於功臣上卽位以來封賚功臣皆稽考前代典禮凡封爵祿食禮儀等差悉倣漢宋之制其間因時損益皆適其宜然諸功臣多武人不學往往恃功驕恣甚或肆情廢法及藍玉以罪誅籍其家服舍器用僭侈踰制上因詔翰林院稽考漢唐宋功臣封爵食邑之多寡及名號虛實之等第編輯爲書名曰稽制錄凡勳舊居室墳塋貨殖皆有定制御製序文頒示功臣使之朝夕省覽遵守以遏其奢僭

十二月永鑑錄成其書輯歷代宗室諸王爲惡悖逆者以類爲編直叙其事頒賜諸王又輯歷代爲臣善惡爲勸懲者別爲書名曰世臣總錄以頒示中外群臣

二十七年四月詔徵儒臣定正蔡氏書傳上觀蔡氏書傳日月五星運行與朱子書傳不同及其他註說與鄱陽鄒季友所論間有未安者遂詔徵天下儒臣定正之九月正定蔡氏書傳成初詔徵國子監博士致仕錢宰等至 上語以正定書傳之意且曰爾等知及象乎皆對不知 上曰朕每觀天象自洪武初有黑氣凝於奎壁奎壁乃文章之府朕甚異焉今年春暮其間黑氣始消文運自此興矣爾等宜考古正今慎述作以稱朕意由

是命學士劉三吾等摠其事開局翰林院正定是書時禮遇諸儒甚厚各賜以綺繒衣被等物又御製詩命次韻和之朝叅則班於待衛之前宴享則次坐殿中時酒樓成人賜鈔宴其上各獻詩謝上大悅復遺禮部尚書任亨泰論旨諸儒有年老願歸者先遣之衆皆願留至是書成凡蔡氏集傳得者存之失者正之又集諸家之說足其未備三吾等率諸儒上進賜名曰書傳會選命禮部刊行天下賜諸儒宴及鈔俾馳驛而還

修寰宇通志書成 按此書分爲八目東距遼東都司又自遼東東北至三萬衛西極四川松潘衛又西南距雲南金齒南踰廣東崖州又東南至福建漳州府北暨北平太寧衛又西北至陝西甘肅爲驛九百四十浙江福建江西廣東之道各一河南陝西山東山西北平湖廣廣西雲南之道各二四川之道三爲驛七百六十六凡天下道里縱一萬九百里橫一萬一千七百里四夷之驛不與焉

二十八年九月頒祖訓條章於內外文武諸司勅諭禮部曰自古國家建立法制皆在始受命之君以後子孫不過遵守成法以安天下蓋創業之君起自側微備歷世故艱難周知人情善惡恐後世守成之君生長深宮未

諳世故山林初出之士自矜已長至有奸賊之臣徇權
利作聰明上不能察而信任之變更祖法以敗亂國家
貽害天下故日夜精思立法垂後永爲不刊之典如漢
高祖刑白馬誓曰非劉氏者不王以後諸呂用事盡改
其法遂至國家大亂劉氏幾亾此可爲深戒者朕少遭
亂離賴皇天眷命剪除群雄混一天下卽位以來勞神
焦思定制立法革胡元弊政至於開導後世復爲祖訓
一編立爲家法俾子孫世守之爾禮部其以朕祖訓
頒行天下諸司使知朕立法垂後之意永爲遵守後世
敢有言更改祖法者卽以奸臣論無赦

十一月禮制集要成

詳禮制

十二月洪武志書成其書述都城山川地理封域之沿革
宮闕門觀之制度以及壇廟寺宇街市橋梁之建置更
易靡不具載詔刊行之

三十年正月頒爲政要錄其書載文武官屬體統及僉書
案牘次第軍士月給廩餼與宿衛之禁屯田之政凡十
有三條

永樂元年十二月解縉等奉勅修古今列女傳成上親
製文序之其傳分爲三卷命刊印賜百官仍賜縉等文
綺各一襲鈔有差

二年四月文華寶鑑成先是命侍臣輯自古以來嘉言善行有益於太子者爲書以授太子至是書成名文華寶鑑上顧解縉等曰朕皇考訓戒嘗集經傳格言爲儲君昭鑑錄朕此書稍充廣之昔秦始皇教太子以法律晉元帝授太子以非聖之書帝王之道廢而不講所以速亾朕此書皆大經大法卿等兼輔東宮從容閒暇亦當以此爲說庶幾成其德業他日不失爲守成令主十一月解縉進所纂錄韻書賜名文獻大典賜縉等百四十七人鈔有差宴禮部

三年十月禮部進冕服鹵簿儀仗圖併洪武禮制禮儀定式禮制集要稽古定制等書上曰議禮制度國家大典前代損益固宜參考祖宗成憲不可改更卽命頒之所司永爲儀式

四年四月上視朝之暇輒御便殿閱書史或召翰林儒臣講論嘗問文淵閣經史子籍皆備否學士解縉對曰經史粗備子籍尚多闕上曰士人家稍有餘資皆欲積書况於朝廷可闕乎遂召禮部尚書鄭賜令擇通知典籍者四出購求遺書且曰書籍不可較價直惟其所欲與之庶奇書可得又顧縉等曰置書不難須常覽閱乃有益凡人積金玉亦欲遺子孫金玉之利有限書籍

之利豈有窮也

五年永樂大典書成先是上諭翰林臣曰天下古今事物散載諸書篇帙浩繁不易檢閱朕欲悉采各書所載事物類聚之而統之以韻庶幾考索之便如探囊取物觀廣韻玉篇二書事雖有統而采擇不廣記載大略爾等其如朕志凡書契以來經史子集百家之書至於天文地志陰陽醫卜僧道六藝之言備輯爲一書毋厭浩繁至是書成凡二萬二千九百卷一萬一千一百本賜名永樂大典上親製序文賜姚廣孝等二千一百六十九人鈔有差檢討王偁與修永樂大典五年有旨戴頭巾修書既而以目疾不能到館

十二年十一月諭胡廣楊榮金幼孜曰五經四書皆聖賢精義要道傳註之外諸儒議論有發明餘蘊者爾等采其切當之言增附於下其周程張朱諸君子性理之言如太極通書西銘正蒙之類皆六經之羽翼然各自爲書未有統會爾等亦聚類成編二書務極精備庶垂後世命廣等總其事仍命舉朝臣及在外教官有文學者同纂修開館東華門外命光祿寺給饌十三年九月五經四書大全及性理大全書成命禮部刊刻頒行天下賜纂修官胡廣等鈔幣有差

十四年十二月歷代名臣奏議書成先是上以璽書諭皇太子令翰林儒臣黃淮楊士奇等采古今名臣奏疏彙錄以便觀法至是書成上覽而嘉之謂侍臣曰致治之道千古一揆君能納善言臣能盡忠不隱天下未有不治觀是書足以見當時人君之量人臣之直爲君者以前賢所言便作今日耳聞爲人臣者以前賢事君之心爲心天下國家之福也遂命刊印以賜皇太子皇太孫及諸大臣

按此書無序亦無監纂編纂等官職名是時西楊在南京佐太子監國正危疑之際也

十五年三月頒五經四書性理大全書於六部并兩京國子監及天下郡縣學上謂禮部臣曰此書學者之根本而聖賢精義悉具矣自書成朕且夕宮中披閱不倦所益多矣古人有志於學者苦難得書籍如今之學者得此書而不勉力是自棄也爾禮部其以朕意曉諭天下學者令盡心講明無徒視爲虛文也

十六年六月詔纂修天下郡縣志書命夏原吉楊榮金幼孜總之仍命禮部遣官徧詣郡縣博采事蹟及舊志書十七年三月爲善陰騭孝順事實書成先是上閱載籍遇爲善獲報者命近臣輯錄得百六十五人名爲善陰

臨復輯錄古今孝順事可垂訓者得二百七人名孝順
事實三上皆製序賜諸王羣臣及國子監天下學校命
禮部自今科舉取士准大誥例於內出題試諸士
九月上嘗覽列仙傳因命侍臣博采重加纂輯至是成
名神仙傳蓋上親製序

洪熙元年三月賜三公及兵部尚書天元玉曆祥異賦
上初得此書以示侍臣曰天道人事未嘗有二有感必
應朕少侍太祖每教以慎修敬天朕未嘗敢怠此書
言簡理當左右輔臣亦宜知之遂命刊布上親製序
上在東宮卜筮專用撰著而斷以周易世俗占法皆不用

嘗命楊士奇纂卦爻朱氏本義要旨一編既進上悅
名曰周易直指士奇曰易固為卜筮作然文王周孔象
象十翼之辭修齊治平之道悉備請編輯備覽從之踰
年輯成以進上覽之大喜名曰周易大義賜士奇繡
衣銀帶先是徐好古作尚書直指金幼孜作春秋直指
以進上諭士奇曰凡此皆書數本于齋閣書殿寢室
各置一本得備觀覽

宣德元年四月上以載籍所記前代外戚及臣下善惡
足為鑒戒乃采其事製外戚事鑒歷代臣鑒至是書成
頒賜群臣及外戚論之曰朕惟治天下之道必自親親

始至於文武之臣亦欲同歸於善然前事之不忘後事之師也故於暇日采輯前代近戚及文武群臣善惡之迹與其所得之吉凶類爲此書用示法戒其擇善而從以保福祿於悠久

正統四年十月刊布憲綱於中外諸司曰朝廷建風憲之任耳目綱紀之寄所以肅百僚而貞百度也憲綱之書肇於洪武厥後官制不同所宜因而改畫而中外憲臣往往有任情增益者我皇考宣宗章皇帝臨御臣下屢以爲言遂勅禮部同翰林儒臣考洪武舊文而申明之并洪武永樂以來祖宗所考風憲事體著在簡冊悉

在其中永示遵守而益之以訓戒之言凡出臣下所自增者已削去之書成先皇帝上賓未及頒行朕嗣位之初切以風憲爲重勅有司嚴選務在得人今外之憲臣復以憲綱爲言朕今於先朝所考之中以見行事宜爾禮部卽用刊印頒布中外諸司遵守爾都察院其下各道御史及在外按察司官欽遵奉行其洪武以後憲綱各係臣下自增者不用敢有故違必罪不恕欽哉

十三年五月五倫書成凡二十二卷

景泰五年七月勅儒臣纂修宋元綱目復勅禮部纂修天下地理志禮部奏遣文學之士分詣天下蒐採

國朝典彙卷二十一
詔頒君鑒錄於羣臣吏部侍郎李賢擇其中可爲法者二
十二君每君擇取最切要者三四事集爲鑒古錄上之
奏言前代聖賢之君事蹟浩漫難於徧覽今特錄堯舜
而下二十二君每君擇取所行之最善者數事集爲一
帙臣於每君之後略爲解說數句欲 陛下易於覽而
行之兼此二十二君之善而有之則功德之隆真比堯
舜而光祖宗矣 上覽此疏問中官王誠等曰此奏欲
何爲誠對曰欲 陛下學此數君耳乃領之

天順二年正月勅內閣翰林修大明一統志先是永樂中
令夏原吉楊榮等纂修天下郡縣志未成景泰中重修
寰宇通志僅成未刻而 上復位遂命李賢等重修三
載而成凡九十卷

成化三年九月侍讀尹直請萃成 聖朝儀文法制集爲
全書 上是之

四年五月山西提學僉事胡謐請頒大明一統志於天下
禮部乞於司禮監關領原本付福建布政司書坊翻行
九年十一月 上諭大學士彭時編修宋元綱目時因奏
翰林春坊等官劉珣王獻彭華楊守陳尹直黎淳謝一
夔鄭環劉健汪諧羅璟程敏政陸簡林瀚分爲七館編
纂明年丘濬起復令同編纂再加一館分爲八館云

二月上命儒臣校訂宋儒朱熹通鑑綱目命刻梓以傳編修謝鐸上言宋神宗好通鑑理宗好綱目徒知留意於書不能推之於治因勸上親賢講學見諸行事不可爲二君之徒好上嘉納之

十年六月兵科給事祝瀾言大誥律令及諸司職掌洪武禮制等書頒布中外俾臣民遵守然民生日繁庶事百出制書有未備載者或朝廷有所施行臣下有所建請遂因之以爲條例乞勅在京文武大臣備查內外新舊條例務歸至當以顛相從取旨裁決刊行遵守詔議行

十二年十一月續資治通鑑綱目成上爲之製序

十三正月續編宋元通鑑綱目成陞王獻少詹事丘濬謝一夔俱陞學士餘陞賞有差

十八年八月司設太監杜福友傳上旨着國子監生湯綦軍舍孫智前去常州府着落府縣拘集民人民銓家小取要截江網古書一部盧岐僧院要取刻絲作羅漢十八幅觀音二幅再有古跡書畫尋來進用巡撫江南尚書王恕上疏曰帝王之學與韋布不同韋布之人隱而未用多聞強記將以待聘故其學貴乎博帝王者身兼治教之責而爲億兆之主故其學不在乎博在乎知要夫經各有其要能知其要則足以盡博矣佛氏之書

臣不知其幾千萬卷也其要不過慈悲而已老氏之書臣不知其有幾也其要不過清淨而已曰慈悲曰清淨自是出家人之事皆非治天下之道也其餘神仙之說黃老之術蓋妄誕耳非惟治天下不可用且以惑世誣民而爲斯道之害尤非帝王所當留意者也儒者之書發明三綱五常之道修齊治平之理如布帛粟穀之在天地間有不可一日而無也然而諸儒論說紛紛簡編浩繁亦豈帝王所能遍觀而盡讀之今陛下勵精圖治自朝至於日中晏不遑暇食若復博覽羣集玩索章句不無有勞宸衷非所以保養天和也如於退朝之後清

燕之時取書之二典三謨與夫太甲說命無逸旅獒諸篇而讀之復取漢唐有關於治亂成敗者三二策而涉獵之儘可以開廣聖心資助化理何必遍求諸家之書觀之乎不報

弘治五年二月大學士丘濬言經籍圖書載萬年百世之事後世賴之以知今者太祖於未登寶位之先卽求遺書于至正丙午之秋一時儲積不減前代永樂中嘗遣修撰陳循往南京取本閣所貯古今書籍各取一部北上餘悉封識如故是兩京皆有儲書也今歷年旣久不無鼠蠹經該人衆不無散失乞勅閣臣委學士以下

官一一比校要見實在的數明白開具奏報仍以木刻
考按年月委官名銜爲記識於每卷之末永遠存照仍
勅南京禮部翰林院官查盤永樂中原留內府書籍有
無多寡全欠具數奏知量爲起取存留分派湊補又請
於文淵閣近地別建重樓不用木植但用磚石將累朝
實錄御製玉牒及干係國家大事文書盛以銅櫃皮於
樓之上層如詔冊制誥行禮儀注前朝遺文舊事與凡
內府衙門所藏文書可備異日纂修全史之用者盛以
鐵櫃皮之下層每歲曝書先期奏請量委翰林院堂上
官一員晒查查算事畢封識內外大小衙門因事欲有
稽考者必須請旨不許擅自開取 上嘉納之

十年正月命修大明會典 上以累朝典制散見疊出未
會於一乃勅大學士徐溥等修之以本朝官職制度爲
綱事物名數儀文等級爲目類以頒降羣書附以歷年
事例使官各領其屬而事皆歸於職以備一代之制
十五年八月南吏部右侍郎楊守卮考績至京內閣以會
典修久未完守卮精於史事奏留校閱與吳寬同事勘
訂精審居五月書成賜宴禮部請還在許之錄校閱功
遷左侍郎食正二品俸賜寶鏤羊酒

十六年五月 上諭內閣儒臣曰通鑑綱目并續編深切

治道朕欲便於觀覽爾等撮取節要撰次一本仍分卷帙陸續進呈翼日司禮監傳旨欲自三王五帝以來歷代事蹟通爲一書且命名曰歷代通鑑纂要

正德四年四月降吏部尚書梁儲爲右侍郎劉瑾以儲等在弘治中纂修大明會典壞祖宗制書雜以新例悉毀之庶子毛澄論德傳珪等皆降職大學士王鏊致仕免究惟李東陽如故

內閣藏書甚多然歲久不無殘闕十年冬大學題請令中書舍人胡熙典籍劉偉與原管主事李繼先查對校理由是其書爲繼先等所盜亾失愈多矣

嘉靖五年時福建建陽書坊刊刻寢盛字多訛謬學者病之巡按御史楊瑞提學副使邵銳請專設儒官校勘經籍禮部覆請上令毋設官第於翰林春坊中遣一人往尋遣侍讀汪佃行詔校畢還京勿復差官更代

編修孫承恩以先奉守勅命儒臣摘取尚書中善惡事編成韻語以爲法因取唐虞至宋元人君事蹟可爲法戒者彙括成詩六十韻獻上嘉納之賜名鑒古韻語

六年正月兵部尚書張璠上大禮要略先是上諭禮部曰獻皇帝尊號已定世廟已成所議典禮不可無一全書特命館閣儒臣重加編纂以成一定之典以昭一

代君臣之行摠遂自纂大禮要略二卷以進因言此禮之失非今日也自漢宋諸君失之矣此禮之爭非今日也自漢宋諸臣爭之矣皇上之改非改今日也改漢宋諸臣也臣等之爭非爭今日也爭漢宋諸臣也是宜皇上之欲爲全書以昭一代君臣之行也夫前之集議成於禮部猶從案牘之文有司之書也今之全書出於史館宜從典則之體天子之書也唐有開元禮宋有開寶禮所載多制度儀文而已曾有如今日嘉靖之禮爲經綸立本之大典哉臣自建議以來履歷所識無敢自欺輯爲要略誠有不得已焉者

上命付史館纂述

初

上命張璠桂萼等纂修大禮全書既親定名曰明倫大典仍諭璠等曰爾等所輯果於理合則褒進之使後人有所守謬者貶黜之亦使後人無所惑璠等乃上席書註論四條 上復命增錄古人歐陽修諸儒之論於父子君臣大倫有所發明者於是璠等先撰稿進呈 上曰覽所撰具見爾等盡心典禮綱常所係但諸臣所奏或奏疏或連名或會官奉旨議或瀆亂破禮儀皆一直書以明是非邪正之辨爾等乃會總裁官詳議用心纂修璠等疏請該科奏繳內奉凡關係大禮者逐一查出發府采錄庶便可據 上命查進館

十月 上閱會典內載冠禮之議成化十四年有禮成謂
謝奉慈奉先殿之文因問彼時未有奉慈殿何差誤若
此輔臣楊一清等言會典一書乃弘治九年 孝廟命
官纂修大學士李東陽等議定凡例以諸司職掌及
聖祖舊制開具於前而以累朝節年事例循序系於後
書久不完傳旨督責乃催儻成編故多差誤正德間又
嘗略爲校正而未有盡者此一代通典百司之所遵行
後世據爲至要但纂修稍遲故老凋喪案卷磨滅如前
項差錯恐益多矣令部院等衙門各委屬官將續定事
例再行檢勘送史館潤色改正庶幾失之於前猶可正
之於後也 上曰會典我朝之制祖宗建造如此之誤
可乎朕每觀覽不能無疑卿謂今不圖之後愈無考也
誠宜修復以成一代之制

詹事霍韜上言土田戶口藩封祿米文武職官內臣監局
官員之數乞勅所司查核若累年匠役之制官府供需
之式四方料物之準律令異同之宜自有 太祖定典
惟弘治間庸臣舞智更爲新例多壞成憲乞勅廷臣共
加酌議俱從削黜用訂積年之謬又言修書舊例祇憑
各部造送冊籍多致訛謬若令各衙門官一員共事編
纂則事例源委彼自能稽仍得算術二人以備數算則

訛舛貨賦按籍覆焉可尋源察也疏入從之
十一月復申勅纂修明倫大典以楊一清謝遷張璠翟鑾
爲總裁官桂萼方獻夫副之共領其事
七年十一月初錦衣衛千戶沈麟奏請命官校勘歷代史
書刊布天下上嘉其志下禮部議至是尚書方獻夫
等言史書多殘缺翻刻而後可垂之久遠若五代以上
諸史惟宋板爲工多蓄於富民之家宜命官購索付之
梓上曰翻刻書籍雖係右文之事但差官購索民間
古板未免騷擾反滋奸弊姑已之第令南京禮工二部
將南京國子監所存舊板用心翻修補以便傳布

詹事霍韜言臣先辭免日講欲以餘力撰述古今治亂以
爲聖學之助今甫閱八月修輯未備仍乞辭免新命
庶得專力以成初志因薦修撰康海檢討王九思副使
李夢陽魏校知州顏木王廷陳及侍郎何塘自代不允
六月明倫大典成上親製序文命宣付史局刊行天下
加張璠少傅兼太子太傅吏部尚書謹身殿大學士久
之上享太廟數日璠賜以御詩及銷袞衣
按璠後序曰斯禮之議也起於皇上登極之六日而
爭之凡五六餘年也始而恭穆獻皇帝章聖皇
太后止稱帝后旣而加皇字稱本生父母終而去本生

字稱皇考聖母此先後凡三詔也始而爭考爭帝爭皇
既而爭廟及路終而爭廟謁及樂舞此先後凡七爭也
其爭也出言盈廷或自疏或連名先後攻擊凡三百有
餘章也無小大無遠近先後交構凡七百有餘人也臣
等憤不得已抗言於庭或自疏或連名先後建明凡數
十餘章也無小大無遠近先後陳力凡數人也兩議相
持衆寡不敵揆之以天理人心定之以中正仁義 皇
上一人而已典禮既定乃命儒臣編纂成書以貽典則
使後之君臣父子各止其所此謂聖人人倫之至也此
所以爲明倫大要也

十二月詔以明倫大典賜建議諸臣及發明典禮者仍發
福建書坊刊行禮部尚書方獻夫言襄府棗陽王祐樞
楚府儀賓沈寶代府長史李錫前給事申史道陳洸郎
中王宗明同知馬時中百戶陳全紀巡檢房濬郎中畢
廷拱經歷金述生員秦堂儒士張少連葉幼學皆嘗於
此書有所發明請皆預賜併及先大學士席書子尚寶
司丞席守中 上從之
八年禮部尚書李時等言大明集禮本 祖宗親命儒臣
纂集制書百六十年以來未及刊布遂致謬言日多考
論禮儀無所憑據請正刊布以備參考報可

九年六月大明集禮梓成禮部言是書舊無善錄故中間章句圖畫類多殘缺臣等以次銓補因爲傳注進覽乞命史臣纂入以成全書上曰大明集禮具載我國家一代典章汝等宜取善本并參考原籍古典校正謬誤補足缺文頒布天下

十一年七月重校刊二十一史成先是南京祭酒張邦奇等請校刻史書上命將監十七史舊校攷對修補仍取廣東宋史板付監遠金二史原無板者購求善本翻刻以成全史至是刊成祭酒林文俊等表進

十五年禮部覆御史徐九臯奏請博採歷代遺書及皇

明名儒著述儲之中秘因請上於萬幾之暇召見講讀侍從諸臣諮論經史上曰書籍充棟學者莫知所用心亦虛名耳苟以經書所載者躬修歷踐致治有餘何以多爲且此心不養以正卽召見無益也其已之

二十年二月命承天府督工尚書顧璘修興都志承天知府吳請纂修承天府志禮部尚書嚴嵩言禹貢並叙九州而尊統于帝都今日承天宜總爲興都一志但總裁分纂貴在得人今顧璘文學素著足任筆削宜令監督有司聘委文學官儒分纂璘爲總理草成進覽下內閣看詳纂請裁定後刊布四方詔如議

二十一年三月顧璘進所輯輿都志書 上曰覽所進志亦見諸臣纂輯効勞顧璘方遠宜魏良輔柯喬及王格顏木王廷陳等賞銀幣有差但朕 皇考妣聖蹟自有國史實錄備載寶藏金櫃有此不當僭書者且其體例不合而所紀事實多誤命部重加刪訂進覽璘因陳輿都禮制三事一定舊邸之官職言當與南京內府相同一正廟祀之樂章言當以 皇上下狩山陵聖製詩歌製爲樂章以享陵廟一謹祠祭之供事言當以陵寢供事責之奉祀祀丞隆慶殿晨夕上食責之司香報可二十三年十二月 上諭禮部 皇考躬集醫方選要仰

體天地生德壽衆至仁之心歲久傳有未廣卽重錄梓行以濟民生 皇考御製外科集驗方一併重刊之二十四年正月史館進所重錄諸書先是 上命錄 列聖御製文集并聖學心法四書五經大全及性理二十一史諸書至是俱完奏聞進覽賞賚總裁等官有差大學士嚴嵩等請續纂大明會典除先年纂輯已完外自今嘉靖八年至二十三年止一應事宜照前凡例續收附入以成全書報可乃命大學士嚴嵩許讚張璧爲總裁官吏部侍郎孫承恩張治副之

四十年十二月詔重刊衛生易簡方書前禮部尚書胡濙

所進也。上好醫藥置一部。凡案間時加檢閱。間有脫簡。命禮部繕印全帙。進覽時故板亡失。過半。禮部乃請購民間善本重刻。以廣其傳。詔可。

四十一年八月詔重錄永樂大典。禮部侍郎高拱中允張居正各解務入館。校錄拱仍以侍郎兼學士同諭德瞿景淳充總校官。居正仍以中允兼編修。同修撰林燦丁仕美。徐時行。編修呂旻。王希烈。張四維。陶大臨。檢討吳可行。馬自強。充分校官。初文皇帝輯永樂大典書貯之文樓。其帙甚鉅。上初年好古時取。援討凡案間每有一二帙在焉。及三殿災。上聞變。卽命左右趨登文

樓。出大典甲夜中諭。凡三四傳。是書遂得不燬。上意欲重錄一部貯之。他所以備不虞。每爲閣臣言之。至是諭大學士徐階曰。昨計重錄永樂大典兩處。收藏茲秋涼。可處理。乃選善楷書禮部儒士程道南等百餘人。就史館分錄。而命拱等校理之。

四十二年四月禮科都給事中丘岳請刊定興都志。其略言。今之典都寶藏。二聖衣冠爲。皇上龍飛之地。卽我聖祖之中興也。乃一統志內猶列安陸。先年雖允守臣之奏。纂修典志。竟以體裁不合。未睹成書。使先帝之盛德。我皇上之大孝。闕而不章。乞下禮部重議。

纂輯凡昔所未備與今所宜錄者咸據實悉書仍增人一統志以成一代盛典詔從其議乃以吏部左侍郎董份爲副總裁諭德張居正洗馬林嫌修撰諸大綬檢討吳可行爲纂修官

四十四年三月大明門內西千步廊火以上論大學士徐階曰昨火處乃文積近地他日纂修何稽當預計之言據宮監左錄掖曰正德十六年來內外題奏及四方番文計八十三萬餘本俱貯六科廊內其千步廊所積乃先朝遺疏已經纂修者不必別有計處以上然之四十五年二月史館纂修官進呈承天大誌百官侍班

國上不御殿命司禮監官捧入已禮部請刊布中外并以興都新名及興都事蹟纂入一統志改安陸州名詔可三月太常少卿丘岳先請修承天大誌至是書成上諭吏部曰承天大誌書成二親功德昭布請修之臣岳添註禮部右侍郎蓋特恩云其纂修諸臣以紀中誤有洪脫簡第各賚銀幣有差不復論叙之

十七年七月野貽人獻天書伏請

吳可行為纂修官

四知附錄卷之六 上諭大學士徐

濟請將所著書與德王賸以歸中籍亦

與潛謀各及與潛事勅纂入一絲志列史聖世

三氏太常也喉立音決請承天火瑞至其書

與潛謀各及與潛事勅纂入一絲志列史聖世

四土不聯幾命臣甄繼官奉入日甄特請既市

國朝典彙卷二十三

都察院右僉都御史 臣徐學聚 編輯

浙江蘭谿縣知縣 臣吳國琦 重訂

朝端大政 二十三

獻書

洪武八年十二月陝州人獻天書斬之

十七年七月盱眙人獻天書伏誅

二十三年十二月福建布政司進南唐書金史蘇轍古史

初 上命禮部遣使購天下遺書令書坊刊行至是三

書先成進之

二十七年三月陝西有士人上仁政書 上覽之謂侍臣
曰旣言仁政則必當愛民何故所言皆勞民傷財之事
自相悖戾彼山林儒生不深究事體然亦言有嘉也不
必指摘瑕疵以杜言路
二十八年七月有道士以道書獻 上却之侍臣請留觀
之 上曰彼所獻書非存神固氣之道卽煉丹燒藥之
說朕焉用此朕所用者聖賢之道所需者政治之術將
躋天下生民于壽域豈獨一己之長生久視哉苟一受
其獻迂誕怪妄之士必爭來矣故却之毋爲所惑
永樂元年閏十一月通政使趙彝等引奏山東男子獻

圖者 上曰自古帝王用兵皆出於不得已夫驅人以
冒白刃鮮有不殘傷毀折其得不死亦幸也朕每親當
矢石見歿於鋒鏑之下者未嘗不痛心今天下無事惟
當休養斯民修禮樂興教化豈當復言用兵此輩狂妄
必謂朕有好武之意故上此圖以冀進用好武豈盛德
事其斥去之

二年六月青田縣民劉貊進 高皇帝所賜其祖誠意伯
基手詔八道祭文一道賜鈔五錠

三年七月鄱陽縣民朱季支進書詞理謬妄誦毀聖賢李
至剛解縉等請置于法 上曰愚民若不治之將邪說

有誤後學卽遣行人押送鄉里會布按二司及府縣官杖之一百就其家搜檢所著文字悉焚之

十五年八月通政司上言歐寧人進金丹方書 上曰此

妖人也秦皇漢武二主爲方士所欺求長生不死之藥此人欲欺朕朕無所用金丹令自食之方書亦與毀之毋令別欺人也

十九年大學士楊榮撰皇都大一統賦以進

宣德五年九月有獻歷代紀年圖者 上覽旣顧侍臣曰

唐之後不五十年天下五易主生民之禍極矣周世宗英武觀其進取之略制治之心足以平定天下而亦享

年不永何也侍臣對曰帝王之興自有天命非人謀所及 上曰國家創業垂統貴有根本三代以下若漢高帝掃除秦苛以濟蒼生唐太宗革隋弊政以致太平其規模皆弘遠所以傳之子孫皆長久若後周之主稱兵爲逆劫掠京城曾無匡濟之功室家先覆而世宗以養子繼之欲其宗祀長久得乎宋太祖陳橋之變一號令之間秋毫無犯拯生民於淪溺革叔季之兵禍子孫享國與漢唐同久者蓋有仁厚爲之根本豈偶然哉 時有進幽風七月圖者 上喜受之顧侍臣曰此見周家立國之本周公輔成王之心當是時君民相親如父子

以故周之王業歷年最永

八年正月少傅楊士奇進太平聖德詩十章曰上嘉納之
正統元年八月副都御史吳訥進性理群書補註納之
天順二年漳州布衣陳真晟詣闕上程朱正學纂要不報
成化十五年五月禮部侍郎周洪謨進所纂疑辨錄三卷
言五經四書雖經朱熹註釋間亦有仍漢唐諸儒之誤
者乞勅儒臣考訂仰取聖裁上曰五經四書漢唐宋
諸儒之誤者永樂間儒臣纂修悉取其不悖本旨者輯
錄之天下學者誦習已久洪謨乃以己意紛更不准

二十年五月無錫處士陳公懋刪改朱子四書集註進呈
命毀之仍遍回有司治罪惟以孟子馮婦章士則之爲
句亦人所傳云

二十三年十一月掌國子監禮部侍郎丘濬進所著大學
衍義補 孝宗覽之喜甚曰卿所纂書考據精詳論述
該博有補政治朕甚嘉之賜金幣進尚書掌詹事府事
仍命禮部下所司刊行

弘治元年十二月徽州府儒學教諭周成進治安備覽詔
少詹程敏政看詳敏政摘其中多竊宋趙善瑯自警編
元張養浩牧民忠告或襲用其標目或全剽其語言然
此之猥不及彼之精况以治安爲名而不及君德心學

謂秦商鞅有見于孔門立信之說則又踵王安石之故
智其息異端等說亦非故本塞源之論鄙俚而無雅馴
之言迂妄而非經久之策詔以成狂妄置不問還其書
十六年十月前南兵部郎中婁性上所編皇明政要四
十篇

嘉靖五年三月天台縣起復知縣潘淵進嘉靖龍飛頌內
外六十四圍五百段一萬四千章效蘇蕙織錦迴文體
上以其文字縱橫不可辨識使開寫正文再上

七年南京吏部侍郎湛若水進所撰聖學格物通一百卷
上以書留覽

學士許誥上所撰通鑑綱目前編圖書管見太極圖論詔
留覽

八年同安縣儒士李如玉纂集周禮會註十五卷令其子
詣闕奏進詔如玉究心禮書令有司以禮獎勵給與冠
帶榮身

太僕寺丞陳雲章進所著書傳六帙大學疑一帙中庸疑
一帙夜思錄一帙上曰大學中庸經傳先儒具有定
論我祖宗已表章頒示天下邇時造邪說者又有旨
禁約雲章輒敢剽竊謬言淆亂經傳何等狂瀆夜思錄
卽毀之有踵此者罪毋赦

初太僕寺丞何淵以太廟世室之說希圖進用及張璠等纂修大典削而不錄淵乃私集其說爲五卷進呈具疏謬引漢哀別廟京師故事宄復萬言上厭惡之以淵屢疏煩瀆且違例進書法當重宄姑降一級調外任謫永州衛經歷

十二年八月朝天宮道士張振通奏言臣籍係閩之福安畱江唐上柱國端國公之後葉少游泮水蚤失父天保息本宮謬膺今職祝釐之暇作國朝中興詩二十一首及寶露白鵲白兔金臺八景武夷九曲皇陵八詠諸詩謹錄上進乞賜宸翰序文部議振通猥鄙塵瀆僭踰狂

悖呈技眩名希圖叙用法當究治俾狂妄小人庶知所警詔下法司提問

十三年六月太康縣儒士安都撰十九史節略四百七十七卷剽遷固之失正蜀漢之統斥武后之奸明充昭之弒六朝惟存本號朱溫特去尊稱削藝祖以國名附遼金於宋紀至是成進呈上曰歷代史書已有定論何得掇拾妄議部議焚其書從之

十五年南京吏部尚書湛若水進所纂二禮經傳測大略以曲禮儀禮爲經禮記爲傳禮部尚書夏言謂其立論以曲禮爲先似與孔子之言相戾不可以傳示後學惟

本官好學之心老而不倦宜加旌獎上曰既戾孔子之言何以傳示後學罷其書不省

十七年定遠縣生員黃淮獻大明中興頌有旨令廠衛五城禁各處游民及罷黜生員潛居京師建言希用者

山西遼州同知季文察進樂書

詳樂制

二十年江西進賢縣民熊恩榮奏進所撰敬一箴註解欲頒布竝行又欲以在野之人與科目竝用上怒命執

下法司拷訊比以妄生異議變亂成法律坐斬詔可

間住學士廖道南進所撰顯親達孝頌清北八箴平南九

歌報聞

二十二年尚寶司丞桂輿因九廟災乃私擬增建廟制

倫次繪圖上之併進所撰頌聲俗辨等書高自稱許禮

臣叅其狂妄希進蠱惑觀聽詔逮法司鞠之法司擬納

贖還職上特命冠帶閒住輿萇之子也

二十五年陝西安保縣歲貢生員任時上所撰學道叅兩

貞明圖禮部議其說不經詔法司訊治之贖罪黜為民

二十八年十一月閑住廣東僉事林希元改編大學經傳

定本及著四書易經存疑奏乞刊布詔焚其書下希元

於巡按御史問尋褫其冠帶為民

享和癸亥

禮志卷之三十三

禮志卷之三十三

禮志卷之三十三

禮志卷之三十三

禮志卷之三十三

禮志卷之三十三

禮志卷之三十三

禮志卷之三十三



